



SLUŽBENI GLASNIK OPĆINE ŽIVINICE

GODINA LV

31. JANUAR 2019. GODINE

BROJ 4

Na osnovu člana 24. Statuta općine Živinice-Prečišćen tekst ("Službeni glasnik općine Živinice" broj: 4/18), Budžeta općine Živinice za 2019. godinu ("Službeni glasnik općine Živinice" broj: 1/19), raspisanog Javnog poziva broj: 01/2-05-89-228/18 od 06.02.2018. godine, Općinsko vijeće Živinice na svojoj sjednici održanoj dana, 24.01.2019. godine, donosi

ODLUKU

O davanju saglasnosti Općinskom načelniku u vezi konačne realizacije projekata sufinansiranja ("građani-općina") po principu M:M iz 2018. godine

I

DAJE se saglasnost Općinskom načelniku za konačnu realizaciju projekata-programa "sufinansiranja po principu M:M", za projekte asfaltiranja puteva, izgradnje ulične-javne rasvjete, vodovodi i kanalizaciona mreža.

II

Ukupno iznos Budžetske pozicije koja glasi: "Podrška za investicione aktivnosti u MZ-a po principu M:M (50% Općina i 50% Građani)-aktivnosti iz 2018. godine", a koje je nastalo nakon kandidovanih projekata-programa od strane MZ-a i provedenog postupka javne nabavke je u iznosu od **896.670,85 KM**, i isti će biti sufinansirani iz Budžeta općine Živinice u 2019. Godini.

III

Općinski načelnik će odmah obaviti sve neophodne radnje za pokretanje nove procedure javnog nadmetanja za sve kandidovane projekte-programe, koji ispunjavaju uslove iz Javnog poziva, a sve u skladu sa Zakonom o javnim nabavkama.

Obavezuje se Općinski načelnik da ukoliko dođe do poremećaja cijena na tržištu rada i usluga, ili eventualno nekih drugih nepredviđenih okolnosti, da može potpisati ugovore a razliku nedostajućih sredstava građana poslije postupka javnih nabavki finansira iz Budžeta općine Živinice.

IV

Obavezuje se Služba za lokalno ekonomski razvoj, finansije i trezor općine Živinice, da Budžetsku poziciju "Podrška za investicione aktivnosti u MZ-a po principu M:M (50 % općina i 50 % građani)-aktivnosti iz 2018. godine", Ekonomski kod 821 600, finansijski putem rebalansa Budžeta općine Živinice za 2019. godinu uskladi sa iznosom iz tačke II.

U slučaju da ne bude rebalansa budžeta za 2019. godinu, daje se saglasnost Općinskom načelniku da Budžetsku poziciju "Podrška za investicione aktivnosti u MZ-a po principu M:M (50 % općina i 50 % građani)-aktivnosti iz 2018. godine", Ekonomski kod 821 600 smije povećati do iznosa iz tačke II navedene odluke.

V

Odluka stupa na snagu danom donošenja, i objavit će se u Službenom glasniku općine Živinice.

OBRASLOŽENJE

Predmet donošenja ovakve odluke su projekti-programi koje su kandidovali građani iz MZ-a u 2018. godini, po principu sufinansiranja M:M (za projekte infrastrukture iz oblasti asfaltiranja puteva, izgradnje ulične-javne rasvjete, vodovodne i kanalizacione mreže). Obzirom

da su građani iskazali veliki interes za implementaciju ovih projekata-programa, rebalansom budžeta za 2018. godinu predviđen je iznos od 830.000,00 KM. Nakon provedene procedure Postupka javnih nabavki došlo je do povećanja cijena u iznosu od 896.670,85 KM. Povećanje cijena je došlo najviše iz razloga što je cijena goriva (a samim tim i asvalta) se povećala.

Nakon provedenog postupka javnih nabavke od strane ponuđača date su veće cijene od iznosa koje je usvojilo Općinsko vijeće i iste su u prilogu date tabelarno. U međuvremenu, jedan projekat za asfaltiranje putne dionice i jedan projekat za izgradnju i rekonstrukciju vodovoda i kanalizacione mreže su odustali-završeni. Na osnovu postupka javnih nabavki i ponuđenih većih cijena, Općinski načelnik je donio Odluku o otkazivanju (prestanku) postupka javnih nabavki.

Gore navedenom Odlukom Općinsko vijeće će dati saglasnost nadležnoj službi i Općinskom načelniku da ponovo pokrene proceduru postupka javne nabavke ali do iznosa iz tačke II. Nakon provedenog postupka javne nabavke ukoliko bi nedostajući iznos sredstava bio manji od 130.213,28KM koliko je predstavljeno tabelarno, Odlukom bi dali saglasnost Općinskom načelniku da smije potpisati ugovore i krenuti u realizaciju istih, a nedostajući iznos sredstava bi se finansirao iz budžeta općine Živinice.

Za asfaltiranje putnih dionica od strane 16 Mjesnih zajednica kandidovano je 33 projekata (građevinskih odbora), 1 završen. Dužina asfaltirane površine je oko 7.727 m. Za navedenih 32 projekata nedostajuća sredstva poslije postupka javne nabavke su u iznosu od 94.705,76 KM.

Za izgradnju ulične rasvjete od strane 9 Mjesnih zajednica kandidovano je 16 projekata (građevinskih odbora). Dužina ulične rasvjete je oko 7.485 m. Za navedenih 16 projekata nedostajuća sredstva poslije postupka javne nabavke su u iznosu od 9.789,53 KM.

Za izgradnju i rekonstrukciju vodovoda i kanalizacione mreže od strane 2 Mjesne zajednice kandidovano je 2 projekata (građevinskih odbora), 1 Mjesna zajednica odustala. Za navedeni 1 projekat u postupku javne nabavke nije došlo do prekoračenja iznosa predviđenog u postupku javne nabavke odobrenom odlukom Općinskog vijeća, ali nedostajuća sredstva poslije postupka javne nabavke su u iznosu od 5.086,63 KM, i za isti se nebi ponavljao postupak, a nedostajuća sredstva bi se namirila iz budžeta općine Živinice.

Iz svega navedenog, posebno zbog činjenice da su ovo projekti građana koji čekaju implementaciju istih već duži period, predlaže se Općinskom vijeću da prihvati ovu odluku kako je ponuđena u prijedlogu.

Ukupna trenutno nedostajuća sredstva građana koja bi se namirila iz budžeta općine Živinice za 2019. godinu bi iznosila do **130.213,28 KM**, a tačan iznos sredstava će se znati nakon ponovljenog postupka javne nabavke.

Z/Z-S/Č

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE ŽIVINICE
Broj: 01/3-05-318/2019
Dana, 24.01.2019.god

PREDSJEDAVAJUĆI
OPĆINSKOG VIJEĆA

Nail Jusić,s.r.

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće
Broj: 06-05-734/19
Živinice, 24.01.2019. godine

Na osnovu 13. Zakona o principima lokalne samouprave u Federaciji BiH („Službene novine FBiH“ br. 49/06), člana 60. i 62. Zakona o plaćama i naknadama u organima vlasti Federacije Bosne i Hercegovine („Sl. novine FBiH“, br. 45/10., 111/12. i 20/17) i člana 24. Statuta općine Živinice („Službeni glasnik općine Živinice“ br. 4/18), Općinsko vijeće Živinice, na sjednici održanoj dana 24.01.2019. godine, donosi

ODLUKU
o plaćama i naknadama uposlenika i izabranih dužnosnika
u organima Općine Živinice

I - OPĆE ODREDBE

Član 1.

Ovom Odlukom, u skladu sa Zakonom o plaćama i naknadama u organima vlasti Federacije BiH („Službene novine Federacije BiH“ br. 45/10., 111/12. i 20/17.) (u daljem tekstu Zakon), utvrđuje se osnovna plaća, naknade i dodaci na plaću, platni razredi i koeficijenti za plaće uposlenika, imenovanih i izabranih dužnosnika u organima općine Živinice. Gramatički izrazi upotrijebljeni u ovoj Odluci, za označavanje muškog ili ženskog spola, podrazumijevaju oba spola.

Član 2.

Uposlenicima se smatraju izabrana i imenovana lica kao i državni službenici i namještenici koji su u radnom odnosu u službama za upravu i stručnim službama općine Živinice.

Izabrana lica, smatraju se izabrani dužnosnici: Općinski načelnik, kao nosilac izvršne funkcije i Predsjedavajući Općinskog vijeća Živinice, ukoliko dužnost obavlja profesionalno (u daljem tekstu izabrana lica).

Imenovanim licima smatraju se Općinski pravobranilac, Zamjenik općinskog pravobranioca i savjetnici Općinskog načelnika (u daljem tekstu imenovana lica).

Državnim službenicima smatraju se lica koje obavljaju poslove osnovne djelatnosti u organu državne službe i koja su u skladu sa zakonom postavljena na određeno radno mjesto u tom organu.

Namještenicima se smatraju uposlenici koji obavljaju dopunske poslove osnovne djelatnosti i poslove pomoćne djelatnosti iz nadležnosti organa državne službe koji su funkcionalno povezani sa poslovima osnovne djelatnosti organa državne službe i koji su u skladu sa zakonom raspoređeni na određeno radno mjesto u tom organu.

Član 3.

Finansijska sredstva za plaće i naknade i druga primanja uposlenika i izabranih dužnosnika u organima Općine Živinice predviđena ovom Odlukom, planiraju se i osiguravaju u Budžetu Općine Živinice.

II - OSNOVNA PLAĆA

Član 4.

(Način utvrđivanja osnovice za obračun plaće)

Osnovica za obračun plaće utvrđuje se odlukom općinskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.

Pored osnovice za obračun plaća prilikom obračuna plaća koristit će se i bod za obračun plaće koji se utvrđuje odlukom općinskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.

Utvrđivanje osnovice i boda vrši se u pregovorima sa reprezentativnim sindikatom, a prije usvajanja odluke iz stava 1. ovog člana. Ukoliko se ne postigne dogovor općinsko vijeće će utvrditi osnovicu i bod, pri čemu visina osnovice ne može biti niža od prethodno dogovorene, odnosno važeće.

Prilikom utvrđivanja osnovice i boda za obračun plaće iz stava (1) i (2) ovog člana uzet će se u obzir projekcije budžeta za narednu godinu, kao i kretanje GDP i indeksa potrošačkih cijena, a prema podacima Federalnog zavoda za statistiku.

Član 5.

(Elementi za utvrđivanje osnovne plaće)

Osnovna plaća utvrđuje se množenjem osnovice za plaću iz člana 4. ove Odluke i boda za obračun plaće sa utvrđenim koeficijentom platnog razreda i tako utvrđeni iznos uvećava se za 0,5 % za svaku započetu godinu penzijskog staža izabranih dužnosnika, nosioca izvršnih funkcija i savjetnika, državnih službenika i namještenika, a najviše do 20%.

Osnovna plaća ne može biti manja od 70% prosječne neto plaće isplaćene u Federaciji prema posljednjem objavljenom statističkom podatku.

U slučaju da množenjem utvrđene osnovice boda za obračun plaće i pripadajućeg koeficijenta platnog razreda osnovna plaća iznosi manje od 70% prosječne plaće, zaposleniku će se isplatiti plaća u navedenom postotku.

Osnovna plaća obračunava se i iskazuje mjesečno za puno radno radno vrijeme, prema radnom mjestu i odgovarajućem platnom razredu.

Ukoliko zaposlenik radi sa nepunim radnim vremenom, u skladu sa posebnim zakonom ili drugim propisima, osnovna plaća odredit će se srazmjerno vremenu provedenom na radu.

Puno radno vrijeme zaposlenih je 40 sati sedmično.

III - PLAĆE I NAKNADE IZABRANIH DUŽNOSNIKA I IMENOVANIH LICA

Član 6.

Izabrani dužnosnici koji dužnost obavljaju profesionalno, imaju pravo na plaću.

Općinski načelnik, pravo na plaću iz stava 1. ovog člana, ostvaruje danom potvrđivanja izbora od strane Centralne izborne komisije Bosne i Hercegovine.

Predsjedavajući Općinskog vijeća, pravo na plaću iz stava 1. ovog člana, ostvaruje od dana podnošenja zahtjeva za profesionalnim obavljanjem dužnosti nadležnoj komisiji.

Savjetnik Općinskog načelnika, pravo na plaću iz stava 1. ovog člana ostvaruje danom postavljenja na radno mjesto.

Općinski pravobranilac i Zamjenik općinskog pravobranioca, pravo na plaću iz stava 1. ovog

člana, ostvaruju danom stupanja na dužnost.

Član 7.

Vijećnici imaju pravo na stalno mjesečno primanje (paušal) na ime povećanih materijalnih troškova u obavljanju svoje dužnosti.

Visina paušala iz stava 1. ovog člana kao i naknada za rad u radnim tijelima Općinskog vijeća utvrđuje se odlukom Općinskog vijeća na prijedlog nadležne komisije Općinskog vijeća.

Pravo iz stava 1. ovog člana vijećnici mogu ostvariti samo po jednom osnovu, odnosno na jednom nivou predstavničke/zakonodavne vlasti.

Iznos paušala umanjuje se za 10% za svako neopravdano odsustvovanje sa sjednice.

Evidenciju o izostancima vodi sekretar Općinskog vijeća.

Član 8.

Izabrana i imenovana lica iz člana 2. Odluke razvrstavaju se u pet platnih razreda i za svaki platni razred se utvrđuju koeficijenti za obračun plaća u slijedećim vrijednostima:

Platni razred	Radno mjesto	koeficijent
I	Općinski načelnik	10
II	Predsjedavajući Općinskog vijeća	9
III	Općinski pravobranilac	7,5
IV	Zamjenik Pravobranioca	7
V	Savjetnik Općinskog načelnika	6,40

1. Naknade

Član 9.

(Naknada plaće zbog bolesti ili povrede)

Za prvih 42 dana odsutnosti s posla zbog bolesti ili povrede, izabrana i imenovana lica iz člana 2. ove Odluke, koja ostvaruju pravo na plaću imaju pravo na naknadu plaće u visini plaće koju je ostvario za prethodni mjesec.

Izabrana i imenovana lica iz člana 2. ove Odluke imaju pravo na naknadu plaće u visini od 70% plaće koju je ostvario za prethodni mjesec prije odsutnosti s posla zbog bolesti ili povrede za odsutnost s posla duže od 42 dana a najduže 12. mjeseci odnosno do kraja mandata.

Izabrana i imenovana lica iz člana 2. ove odluke imaju pravo na naknadu plaće u punom iznosu koju su ostvarili za prethodni mjesec ako je do odsustva s posla došlo iz razloga povrede na radu.

Član 10.

(Naknada za troškove ishrane - topli obrok)

Predsjedavajući Općinskog vijeća, Općinski načelnik, Pravobranilac, Zamjenik pravobranioca i savjetnik Općinskog načelnika imaju pravo na troškove ishrane (topli obrok) u visini od 1% prosječne mjesečne neto plaće isplaćene u Federaciji Bosne i Hercegovine prema posljednjem objavljenom statističkom podatku.

Naknada iz stava 1. ovog člana neće se obračunavati, odnosno isplaćivati za vrijeme odsutnosti sa posla po osnovu službenog puta, bolovanja ili godišnjeg odmora.

Član 11

(Naknada za slučaj smrti, teške bolesti i invalidnosti)

Naknadu za slučaj smrti, teške bolesti i invalidnosti izabrana i imenovana lica ostvaruju na način i pod uvjetima utvrđenim za državne službenike i namještenike u organima Općine Živinice.

Član 12.

(Otpremnina)

Izabrana i imenovana lica imaju pravo na otpremninu prilikom odlaska u penziju u iznosu od pet njegovih prosječnih plaća isplaćenih u prethodnih pet mjeseci.

Član 13.

(Naknada troškova za službeno putovanje)

Izabrana i imenovana lica upućeni na službeno putovanje imaju pravo na naknadu troškova dnevnice, noćenja, prijevoza i ostalih izdataka nastalih u vezi sa službenim putovanjem. Visina dnevnica i drugih troškova službenog putovanja i način njihovog obračuna uređuje se aktom Vlade Federacije.

Član 14.

(Naknada za godišnji odmor i plaćeni dopust)

Izabrana i imenovana lica, imaju pravo na novčanu naknadu na ime regresa za korištenje godišnjeg odmora u visini od 50% prosječne neto plaće isplaćene u Federaciji Bosne i Hercegovine po zadnjem statističkom podatku i naknadu za plaćeni dopust u dužini od 30. dana u visini svoje neto plaće iz prethodnog mjeseca.

Član 15.

Općinskom načelniku pripada položajni dodatak u visini od 20% od osnovne plaće koji se obračunava na osnovnu plaću i čini sastavni dio plaće.

IV - PLAĆE, NAKNADE I DODACI NA PLAĆU DRŽAVNIH SLUŽBENIKA I NAMJEŠTENIKA

Član 16.

Državni službenik i namještenik ima pravo na plaću koja odgovara radnom mjestu na koje je postavljen.

Državni službenici razvrstavaju se u devet platnih razreda i za svaki platni razred se utvrđuju koeficijenti za obračun plaća u slijedećim vrijednostima:

Platni razred	Radno mjesto	Koeficijent
I	Sekretar Organa uprave,	6,50
II	Pomoćnik Općinskog načelnika-Sekretar Općinskog	6,20

	vijeća	
III	Pomoćnik Općinskog načelnika,	5,70
IV	Glavni inspektor i interni reviozor	5,20
V	Šef unutrašnje organizacijske jedinice-šef Odsjeka	4,50
VI	Inspektor	4,30
VII	Stručni savjetnik	4,10
VIII	Viši stručni saradnik	3,90
IX	Stručni saradnik	3,70

Namještenici u organu uprave općine Živinice razvrstavaju se u pet platnih razreda i za svaki platni razred se utvrđuju koeficijenti za obračun plaća u slijedećim vrijednostima:

Platni razred	Radno mjesto	Koeficijent
I	Viši samostalni referent (VŠS)	3,10
II	Samostalni referent (VŠS)	3,00
III	Viši referent (SSS) i VKV radnik	2,70
IV	Referent (SSS) i KV radnik III i IV stepena	2,60
V	Pomoćni radnik i nekvalificirani radnik (NK radnik)	1,85

Član 17.

Pravo na plaću državni službenik i namještenik ostvaruje od dana stupanja na dužnost. Plaća se obračunava i isplaćuje za prethodni mjesec, a utvrđuje se rješenjem kojeg donosi Općinski načelnik.

1. Dodaci na plaću

Član 18.

Državni službenik i namještenik ima pravo na dodatke na plaću.
Dodaci na plaću iz stava 1. ovog člana čine sastavni dio osnovne plaće.

Član 19.

(Dodatak na plaću po osnovu posebnih uslova rada)

Državni službenik i namještenik ima pravo na dodatak na plaću po osnovu posebnih uslova rada u iznosu;

- za inspektore, glavnog inspektora od 20% od osnovne plaće,
- za vatrogasce u iznosu do 30% od osnovne plaće,
- za ostale poslove koji se vrše pod posebnim uslovima određenim posebnim zakonom dodatak na plaću se može odrediti od 10% do 20%.

Poseban dodatak iz stava 1. ovog člana obračunava se na osnovnu plaću bez dijela plaće po osnovu radnog staža i čini sastavni dio plaće.

Općinski načelnik može svojom odlukom ili rješenjem, za pojedina radna mjesta uposlenika koja nisu obuhvaćena stavom 1. ovog člana (rad na šalterima, rad na terenu, rad u otežanim uslovima i sl.) odrediti dodatak na plaću u iznosu od 10%.

Za postignute rezultate u radu, povećanog obima posla, odgovornost u radu i sl. Općinski

načelnik može uposleniku povećati plaću u iznosu od 10%.

Član 20.

Državni službenik ima pravo na naknadu plaće za vrijeme korištenja plaćenog dopusta u visini od 100% svoje neto plaće iz prethodnog mjeseca.

Član 21.

(Naknada za prekovremeni rad, rad u neradne dane, noćni rad i rad u dane državnog praznika)

Državni službenik i namještenik ima pravo na uvećanje osnovne plate;

- a) noćni rad - 35 % za sate provedene na radu koji se smatraju noćnim radom. Noćnim radom se smatra rad od 22:00 do 06:00 sati.
- b) prekovremeni rad po nalogu rukovodioca - 50% za sate provedene na radu koji ulaze u prekovremeni rad po nalogu rukovodioca,
- c) rad u dane sedmičnog odmora subotom i nedjeljom - 30% za sate provedene na radu koji padaju u subotu ili nedjelju,
- d) rad u dane praznika koji su po zakonu neradni - 50% za sate provedene na radu koji ulaze u dane državnih praznika.

Dodaci iz stava 1. ovog člana međusobno se ne isključuju.

Član 22.

(Naknada za godišnji odmor i plaćeni dopust)

Državni službenik i namještenik ima pravo na naknadu plaće za vrijeme korištenja godišnjeg odmora i plaćenog dopusta u visini od 100% svoje neto plaće iz prethodnog mjeseca.

Član 23.

(Naknada za troškove ishrane tokom rada)

Državni službenik i namještenik ima pravo na novčanu naknadu za ishranu u toku rada (topli obrok), u visini 1% prosječne neto plaće isplaćene u Federaciji BiH po zadnjem statističkom podatku.

Član 24.

(Regres za godišnji odmor)

Državni službenik i namještenik ima pravo na novčanu naknadu na ime regresa za korištenje godišnjeg odmora u visini od 50% prosječne neto plaće isplaćene u Federaciji BiH po zadnjem objavljenom statističkom podatku.

Pravo na regres iz stava 1. ovog člana ima svaki državni službenik i namještenik koji u toku tekuće kalendarske godine ima pravo na godišnji odmor.

Član 25.

(Naknada za bolovanje)

Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni

mjesec.

Naknada za bolovanje preko 42 dana iz stava 1. ovog člana ostvaruje se po kantonalnom propisu kojim se uređuje naknada za ovo bolovanje, s tim da se razlika do pune plaće isplaćuje iz Budžeta Općine.

Član 26.

(Naknada za porodiljski dopust)

Državni službenik i namještenik za vrijeme porodiljskog dopusta ima pravo na naknadu plaće prema propisima kantona kojim se uređuje ova oblast, prema mjestu uplate doprinosa s tim da se razlika do pune plaće isplaćuje iz Budžeta Općine.

Član 27.

(Naknada za službeni put)

Državnom službeniku ili namješteniku pripada naknada za službeni put (troškovi prevoza, troškovi prenoćišta i troškovi upotrebe privatnih automobila u službene svrhe) po cijeni prevozne karte i hotelskih računa za hotele do četiri zvjezdice i dnevni troškovi u obliku dnevnice za službeno putovanje na način i u visini utvrđenim posebnim propisima.

Član 28.

(Naknada za prevoz)

Ukoliko nije organizovan prevoz na posao i sa posla, državnom službeniku i namješteniku pripada karta za prevoz u javnom saobraćaju ukoliko koristi prevoz javnim saobraćajem ili novčana naknada u visini cijene mjesečne karte za najjeftiniji prevoz, ako je mjesto stanovanja državnog službenika i namještenika od mjesta rada udaljeno najmanje dva kilometra. Udaljenost od mjesta rada određuje se na osnovu najkraće putne komunikacije od adrese stanovanja do mjesta rada.

Član 29.

(Naknada za slučaj povrede na radu, teške bolesti i invalidnosti)

U slučaju povrede na radu, teške bolesti ili invalidnosti državnog službenika ili namještenika ili člana njegove uže porodice, isplaćuje se jednokratna novčana pomoć, u visini od dvije prosječne mjesečne neto plaće isplaćene u Federaciji Bosne i Hercegovine prema posljednjem statističkom podatku.

Pod teškom bolešću, koja se dokazuje dijagnozom utvrđenom od ovlaštene zdravstvene ustanove, podrazumijevaju se bolesti određene u članu 29. stav 6. Kolektivnog ugovora za državne službenike i namještenike u organima uprave i sudske vlasti u Tuzlanskom kantonu ("Službene novine Tuzlanskog kantona" br. 7/17.).

Član 30.

(Naknada za slučaj smrti i pravo na osiguranje od posljedica nesretnog slučaja)

U slučaju smrti državnog službenika ili namještenika njegovoj porodici se isplaćuje naknada na ime troškova sahrane/ukopa u visini od četiri prosječne mjesečne neto plaće isplaćene u Federaciji Bosne i Hercegovine prema posljednjem objavljenom podatku Federalnog zavoda za

statistiku.

U slučaju smrti člana uže porodice, državnog službeniku odnosno namješteniku isplaćuje se jednokratna novčana pomoć u visini od četiri prosječne neto plaće u FBiH prema posljednjem objavljenom podatku Federalnog zavoda za statistiku.

Ukoliko u Općini Živinice rade dva ili više članova porodice, troškovi sahrane/ukopa iz stava 2. ovog člana isplaćuju se u srazmjernom iznosu svim članovima porodice.

Članom uže porodice državnog službenika ili namještenika, u smislu ovog člana smatraju se: bračni drug, roditelji, očuh, maćeha i usvojitelj i djeca (bračna, vanbračna, usvojena, pastorčad i djeca bez roditelja uzeta na izdržavanje), a unučad bez roditelja, braća i sestre ako sa državnim službenikom odnosno namještenikom žive u zajedničkom domaćinstvu, ili su ih oni dužni izdržavati.

Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u organu državne službe.

Ugovor sa odgovarajućom osiguravajućom kućom zaključuje Općinski načelnik za sve državne službenike i namještenike zaposlene u tom organu.

Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.

Član 31. (Otpremnina)

Državni službenik i namještenik ima pravo na otpremninu pri odlasku u penziju u visini pet prosječnih neto plata u FBiH prema posljednjem objavljenom podatku Federalnog zavoda za statistiku ili u visini svojih pet ostvarenih prosječnih neto plaća isplaćenih u prethodnih pet mjeseci, ako je to za njega povoljnije.

Član 32. (Otpremnina kod prekobrojnosti)

Državni službenik i namještenik zaposlen na neodređeno vrijeme, a kojem je radni odnos u organu državne službe prestao usljed prekobrojnosti ima pravo na otpremninu u iznosu i to;

a. za radni staž do 10 godina naknada iznosi tri neto plate državnog službenika odnosno namještenika ili tri prosječne neto plate isplaćene po zaposleniku u FBiH po posljednjem objavljenom statističkom podatku, ako je to za njega povoljnije,

b. za radni staž od 11 do 20 godina naknada iznosi šest neto plata državnog službenika odnosno namještenika ili šest prosječnih neto plata isplaćenih po zaposleniku u FBiH po posljednjem objavljenom statističkom podatku, ako je to za njega povoljnije,

c. za radni staž od 21 do 30 godina naknada iznosi devet neto plata državnog službenika odnosno namještenika ili devet prosječnih neto plata isplaćenih po zaposleniku u FBiH po posljednjem objavljenom statističkom podatku, ako je to za njega povoljnije,

d. za radni staž preko 30 godina naknada iznosi dvanaest neto plata državnog službenika odnosno namještenika ili dvanaest prosječnih neto plata isplaćenih po zaposleniku u FBiH po posljednjem objavljenom statističkom podatku, ako je to za njega povoljnije.

Član 33.

(Naknada za rad u komisijama)

Članovi komisija koje se formiraju na osnovu rješenja Općinskog načelnika a čije osnivanje je propisano zakonom imaju pravo na maksimalnu mjesečnu naknadu za rad u komisiji u bruto iznosu od 15% prosječne plate u FBiH.

Visinu naknade svojim aktom utvrđuje Općinski načelnik za svaku komisiju posebno.

Naknade za rad u komisijama iz prethodnog stava a koje se finansiraju od uplata fizičkih ili pravnih lica ne ulaze u ograničenja iz prethodnog stava.

Članovima Kolegija Općinskog načelnika pripada naknada u neto iznosu od 15% prosječne plate u FBiH ukoliko je sjednica kolegija održana najmanje jedanput mjesečno i van radnog vremena.

Članove Kolegija svojim rješenjem imenuje Općinski načelnik.

V - PLAĆE ZA PRIPRAVNIKE

Član 34.

(Visina plaće za pripravnike)

Plaća pripravnika visoke, više i srednje stručne spreme u organu državne službe utvrđuje se u iznosu, i to:

a. za visoku školsku spremu u iznosu od 80% od početne osnovne plaće utvrđene za radno mjesto stručnog saradnika,

b. za višu školsku spremu u iznosu od 80% od početne osnovne plaće utvrđene za radno mjesto samostalnog referenta,

c. za srednju školsku spremu u iznosu od 80% od početne osnovne plaće utvrđene za radno mjesto referenta

Početna osnovna plaća iz stava 1. ovog člana predstavlja samo iznos plaće bez dijela plaće po osnovu penzijskog staža.

VI - PRELAZNE I ZAVRŠNE ODREDBE

Član 35.

Za sva pitanja iz oblasti plaća i naknada koja nisu regulisana ovom Odlukom, neposredno će se primjenjivati odredbe Zakona i Kolektivnog ugovora.

Član 36.

Danom stupanja na snagu ove Odluke prestaju da važe Odluka o plaćama i naknadama uposlenika i izabраних dužnosnika u organima općine Živinice br. 10-05-2618/13. od 15.05.2013. godine ("Službeni glasnik Općine Živinice" br. 7/13.) i Odluka o izmjeni i dopuni Odluke o plaćama i naknadama uposlenika i izabраних dužnosnika u organima Općine Živinice br. 10-05-3670/13. od 22.07.2013. godine ("Službeni glasnik Općine Živinice" br. 11/13.)

Član 37.

Ova odluka stupa na snagu danom donošenja a objavit će se u Službenom glasniku općine Živinice.

Predsjedavajući Općinskog vijeća
Nail Jusić

Bosna i Hercegovina
Federacija Bosne i Hercegovine
TUZLANSKI KANTON
OPĆINA ŽIVINICE
OPĆINSKO VIJEĆE
Broj:01/3-05-313/2019
Dana,24.01.2019.godine

Na osnovu člana 61. Zakona o građevinskom zemljištu Federacije BiH("Službene novine F BiH", broj:25/03), a u vezi sa članom 347. i 348. Zakona o stvarnim pravima Federacije BiH ("Sl.novineFBuH" broj 66/13 i 100/13) i člana 24.Statuta Općine Živinice prečišćeni tekst ("Službeni glasnik Općine Živinice", broj 4/2012,) rješavajući po zahtjevu Ahmetović Avde sin mehe iz Živinica,u predmetu utvrđivanja vlasništva na gradskom građevinskom zemljištu, na prijedlog Općinskog načelnika, Općinsko vijeće Živinice na sjednici održanoj dana 24.01.2019. godine, donosi:

RJEŠENJE

I.- UTVRĐUJE SE – pravo vlasništva uz naknadu u korist **Ahmetović Avde sin Mehe iz Živinica**, sa dijelom 1/1, na gradskom građevinskom zemljištu označeno kao:
- k.č.br.295/112 (s.p.72/119) zv. Bašigovački Lug šuma 3. klase u površini 968 m², upisana u p.l.br.877 K.O. Bašigovci kao posjed Općine Živinice sa 1/1, i z.k.ul.br. 814 K.O. Bašigovci, kao vlasništvo Općine Živinice sa 1/1.

II-Ahmetović (Meho) Avdo dužan je uplatiti sljedeće naknade:

-Naknada za zemljište označeno u tački I ovog rješenja iznosi 12,00 KM/m², što za ukupnu površinu od 968 m², iznosi 11.616,00 KM (jedanaest hiljada i šestotinaišesnaest KM) koju će Ahmetović Avdo sin Mehe iz Živinica, uplatiti u roku od 30 dana od dana pravosnažnosti rješenja na račun Sredstva za otkup nacionalizovanog zemljišta općine Živinice, kod SBERBANK" filijala Živinice na broj:1404030310000630.

-Naknada za visinu rente za za 1m², površine objekta dimenzija 14,54 x13,47m i spatnosti P+1+pk. iznosi 5,30 KM/m², što za ukupnu površinu objekta 587,5614 m² iznosi 3114,0754 KM (slovima: tri hiljade stotinučetnaest KM) koju će graditelj Ahmetović Avdo sin Mehe iz Živinica, uplatiti u roku od 30 dana od dana pravosnažnosti rješenja na račun Sredstva za otkup nacionalizovanog zemljišta općine Živinice, kod SBERBANK" filijala Živinice na broj:1404030310000630.

-Naknada za pretvorbu zemljišta iz šumskog u građevinsko iznosi 2,20 KM za 1m², što za ukupnu površinu od 968 m², iznosi 2.129,60 KM (slovima:dvijehiljadestotinudvadesetdevet KM) koje će graditelj Ahmetović Avdo sin Mehe iz Živinica, uplatiti u roku od 30 dana od dana pravosnažnosti rješenja na račun Sredstva za otkup nacionalizovanog zemljišta općine Živinice, kod SBERBANK" filijala Živinice na broj:1404030310000630

III- Zemljišnoknjižni ured Općinskog suda Živinice, i Katastarski operat Općine Živinice, će nakon pravosnažnosti ovog rješenja i uplate naknade iz tačke II ovog rješenja, izvršiti OTPIS parcele iz tačke I iz dosadašnjeg p.l. i zk.ul. a zatim UPIS vlasništva izvršiti u "B" vlasničkom listu novog zk.ul.iste K.O. i posjeda u katastarskom operatu, na zemljištu iz tačke I

ovog rješenja, u korist Ahmetović Avde sin Mehe iz Živinica sa 1/1.

IV- Troškovi postupka u rješavanju ove upravne stvari iznose 100,00 KM (slovima:stotinu konvertibilnih maraka), u skladu sa Odlukom Općinskog vijeća Živinice broj10-05-3234/13 od 18.06.2013.godine,koje Ahmetović Avdo sin Mehe iz Živinica, dužan uplatiti u roku od 15 od dana prijema rješenja, na račun broj:140 4030310000145 kod SBERBANK.

V- Ovo rješenje objavit će se u "Službenom glasniku Općine Živinice", a isto stupa na snagu danom objavljivanja.

O b r a z l o ž e n j e

Ahmetović Avdo sin Mehe iz Živinica, putem punomoćnika Zurižete Salkanović advokata iz Živinica, obratio se ovoj službi, sa zahtjevom kojim traži da mu se u skladu sa članom 61. Zakona o građevinskom zemljištu Federacije Bi H prizna pravo vlasništva na zemljištu, поближе opisano u tački I dispozitiva ovog rješenja, na kome je sagradio objekat bez prava korištenja na to zemljištu. Uz zahtjev podnosioc je priložio punomoć o zastupanju, uplatnicu o uplaćenju administrativnoj taksi i potvrda o predaji podneska.

Postupajući po zaprimljenom zahtjevu izvršen je uviđaj i održana je rasprava na licu mjesta dana 23.07.2018.godine, u prisustvu podnosioca zahtjeva, odnosno punomoćnika, dok općinski pravobranilac nije prisustvovao raspravi, a o razlozima izostanka blagovremeno je obavijestio ovu službu.

Nakon izvršenog uviđaja, identifikovano je zemljište koje je predmet postupka, na kome je graditelj Ahmetović Avdo sagradio objekat bez prava korištenja zemljišta radi građenja.

Prisutni vještak geometar Mirela Omerkić koja je izvršila identifikaciju zemljišta na zapisnik je izjavila tačne podatke o kom zemljištu se radi.

Naime, iz izjave vještaka geometra proizilazi da je parcela koja je predmet postupka označena kao k.č.br.295/2 zv. Bašigovački Lug šuma 3.klase u površini 366756 m2 upisana u p.l.br.877 K.O. Bašigovci, posjedništvo Općine živinice sa 1/1, a kojoj po starom premjeru odgovara parcela k.č.br.72/1 upisana kao vlasništvo Općine Živinice sa 1/1.Na raspravi su saslušani i prisutni svjedoci Ahmetović Hanifa i Karić Samira.Svjedoci su u svojim iskazima potvrdili da je graditelj objekta Ahmetović Avdo koji je objekat izgradio svojim ličnim sredstvima. U toku postupka od nadležnog

Odsjeka za urbanističko planiranje i komunalne poslove pribavljeno je rješenje o načelnoj urbanističkoj saglasnosti broj:04/11-23-4145/18 od 06.11.2018.godine, iz kojeg je zaključeno da je na predmetnoj građevinskoj parceli dozvoljena izgradnja individualnog stambenog objekta. Obzirom da je prema navedenom rješenju i situacionom planu utvrđeno i grafički prikazano zemljište, na kome se graditelju može utvrditi pravo vlasništva, to je u daljem postupku izvršeno cijepanje i formiranje parcele na kojoj se utvrđuje pravo vlasništva u korist graditelja. Po službenoj dužnosti izvršeno je cijepanje parcele k.č.br.295/2(s.p. 72/1) K.O. Bašigovci, i formirana je parcela k.č.br.295/112(s.p. 72/119) u površini 968 m2. Za predmetnu parcelu pribavljena je potrebna zemljišnoknjižna i katastarska dokumentacija, posjedovni list broj:877 K.O. Bašigovci, kopija katastarskog plana, i zemljišnoknjižni izvadak 814 K.O. Bašigovci. Zatim je angažovan vještak građevinske struke Nusret Mujagić, radi utvrđivanja tržišne cijene 1m2, građevinskog zemljišta koji se nalazi na lokalitetu "Ciljuge II". Vještak je nakon izvršenog uviđaja sačinio nalaz i mišljenje o procjeni tržišne vrijednosti građevinskog zemljišta koje je dostavio ovoj službi kao obrađivaču predmeta. Cijena zemljišta koju je vještak utvrdio iznosi 12,00/m2 KM, što za ukupnu površinu od 968 m2 iznosi 11.616,00 KM.

Naknada za visinu rente u iznosu od 5,30 KM/1m², utvrđena je u skladu sa Odlukom Općinskog vijeća o visini rente za 2018 godinu broj:10-05-1573/2018 od 27.02.2018.godine. Kao osnovica za izračunavanje visine rente služi prosječna konačna građevinska cijena iz predhodne godine 1m², korisne stambene površine na području Općine Živinice, koja je iznosila 530,00 KM (slovima: petstotina trideset konvertibilnih maraka). Kako se u konkretnom slučaju radi o parceli koja se nalazi u VI zoni građevinskog zemljišta, određen je iznos rente od 1% od prosječne konačne građevinske cijene što je, 5,30 KM, za 1m² korisne stambene površine.

Naknada na ime pretvorbe zemljišta iz šumskog u neplodno građevinsko zemljište, određena je na osnovu Odluke o davanju saglasnosti za izdvajanje šumskog zemljišta iz šumsko-privrednog područja "Sprečko" na području Tuzlanskog kantona, Općina Živinice, radi prevođenja istog u građevinsko, a što se odnosi na provođenje važećeg regulacionog plana "Ciljuge II", Vlada

Federacije BiH ("Službene novine Federacije BiH", br.19/08"), Sporazum o naknadi za izdvajanje šumskog zemljišta iz šumskog gospodarskog područja i njegova pretvorba u građevinsko zemljište

br.01/2-05-89-173/07 od 13.11.2007.godine, zaključenim između Općine Živinice, Ministarstvom za poljoprivredu, šumarstvo, i vodoprivredu TK br.04/1-14-4463/12 od 18.04.2012.godine.

Na osnovu svega provedenog u postupku ocjenjeno je da su u konkretnom slučaju ispunjeni uslovi za utvrđivanje prava vlasništva na predmetnom zemljištu u korist Ahmetović Avde sin Mehe iz Živinica, koji je vlastitim sredstvima izgradio objekat na zemljištu bez prava korištenja, te je na osnovu člana 61. Zakona o građevinskom zemljištu FBiH, a u vezi sa članom 347 i 348 Zakona o stvarnim pravima FBiH doneseno rješenje kao u dispozitivu.

Protiv ovog rješenja ne može se izjaviti žalba ali se može pokrenuti upravni spor, kod Kantonalnog suda Tuzla u roku od 30 dana od dana prijema rješenja. Tužba se podnosi neposredno sudu.

Obradivač: Nasiha Fatušić

Dostavljeno:

1. Ahmetović Avdo sin Mehe,
2. Punomoćnik, Zurijeta Salkanović advokat iz Živinica
3. Općinsko pravobranilaštvo, Živinice
4. Z.K. Ured, Općinskog suda Živinice
5. Katastarski operat Živinice
6. Porezna ispostava po pravosnažnosti
7. Služba za budžet i finansije Općine Živinice (nakon pravosnažnosti)
8. Arhiva,-

**Predsjedavajući Općinskog vijeća
Živinice**

Nail Jusić

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
Broj : 06-05- 311-1 /2019
Dana :24.01.2019.godine

Na osnovu člana 24.Statuta Općine Živinice-prečišćeni tekst("Službeni glasnik Općine Živinice" broj 4/18),člana 103.Poslovnika o radu Općinskog vijeća Živinice("Službeni glasnik Općine Živinice",broj 3/17),Općinsko vijeće Živinice na Vanrednoj sjednici održanoj dana 24.01.2019.godine,razmatrajući tačku Dnevnog reda -Razmatranje zahtjeva MZ Priluk,Šerići i Suha za sazivanje vanredne sjednice Općinskog vijeća radi zaustavljanja sječe šume na području šumskog kompleksa "Dubrava",donosi

ZAKLJUČAK

I

- 1.Općinsko vijeće Živinice daje punu podršku nastojanjima i aktivnostima Savjeta MZ Priluk,Šerići i Suha u zabrani odlaganja jalovine RMU "Banovići "i sječi šume u šumskom kompleksu "Dubrava".
- 2.Uputiti dopis JP "Šume" TK d.d. Kladanj da odmah obustave sječú drveta u obuhvatu MZ Priluk,Suha i Šerići u šumskom kompleksu "Dubrava".
- 3.Tražimo od skupštine TK da se odmah zaključkom zabrani eksploatacija drveta JP "Šume"TK d.d. Kladanj u obuhvatu MZ Priluk,Šerići , Suha u šumskom kompleksu "Dubrava".
- 4.Tražimo od skupštine TK da u Prostornom planu Tuzlanskog kantona ovo područje proglasi zaštićenim šumskim pejzažom , zbog značaja za prečišćavanje zraka ,zaštite izvorišta pitke vode ,zaštite biljnog i životinjskog svijeta,zaštite izletišta i prostora za rekreaciju,njenog značaja za zdrav životni okoliš za preko 20.000 ljudi sa ovog područja.
- 5.Uputiti dopis RMU Banovići da odmah obustavi odlaganje jalovine na područjima uz naseljena mjesta MZ-a Priluk ,Šerići i Suha jer dovodi u opasnost stanovnike pomenutih područja.
- 6.Općinsko vijeće Živinice zahtjeva od Federalne inspekcije rudarstva da nalože RMU Banovići sanaciju nastalog stanja u smislu uklanjanja deponovane jalovine kojom se napravila šteta na predmetnom lokalitetu i dovodi u opasnost život stanovnika pomenutih područja.
- 7.Zadužuju se poslanici u Skupštini TK da putem svojih klubova realizuju pomenute zaključke
- 8.Zadužuje se rukovodstvo Općinskog vijeća i Općinski načelnik da ugovore sastanak sa rukovodstvom Skupštine TK kako bi se što prije realizovali pomenuti zaključci.

II

Zaključak objaviti u "Službenom glasniku Općine Živinice".

PREDSJEDAVAJUĆI
OPĆINSKOG VIJEĆA

Nail Jusić

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
Broj : 06-05- 311-8 /2019
Dana :24.01.2019.godine

Na osnovu člana 24.Statuta Općine Živinice-prečišćeni tekst("Službeni glasnik Općine Živinice" broj 4/18),člana 103.Poslovnika o radu Općinskog vijeća Živinice("Službeni glasnik Općine Živinice",broj 3/17),Općinsko vijeće Živinice na sjednici održanoj dana 24.01.2019.godine,razmatrajući tačku Dnevnog reda Informacija o problemu korištenja javnih površina na području Općine Živinice , donosi sljedeće

ZAKLJUČKE

I

1. Zadužuje se Služba za inspekcijske poslove-nadležna inspekcija da zajedno sa upravom JP Horizontala utvrdi nepravilnosti korištenja javnih površina i protiv istih poduzme zakonom propisane mjere u skladu sa zakonom i Odlukom o komunalnom redu.-rok 20 dana,od 28.01.2019.godine.
2. Sa svima onima koji nisu izmirili obaveze prema JP Horizontala za korištenje i zauzimanje javnih površina raskinuti ugovore i ne dozvoliti sklapanje novih ugovora.
3. Kod sklapanja novih ugovora napraviti sporazume o plaćanju unaprijed za 2019.godinu.
4. Da se u roku od 30 dana dostavi Izvještaj o realizaciji zaključaka od strane JP Horizontala i Službe za inspekcijske poslove.

II

Zaključci stupaju na snagu danom donošenja i objavit će se u Službenom glasniku Općine Živinice.

PREDSJEDAVAJUĆI
OPĆINSKOG VIJEĆA

Nail Jusić

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
Broj : 06-05- 311-8 /2019
Dana :24.01.2019.godine

Na osnovu člana 24.Statuta Općine Živinice-prečišćeni tekst("Službeni glasnik Općine Živinice" broj 4/18),člana 103.Poslovnika o radu Općinskog vijeća Živinice("Službeni glasnik Općine Živinice",broj 3/17),Općinsko vijeće Živinice na sjednici održanoj dana 24.01.2019.godine,razmatrajući tačku Dnevnog reda -Informacija o radu Službe za inspekcijske poslove sa akcentom na provođenje Odluke o komunalnom redu , donosi sljedeći

Z A K L J U Č A K

I

Tražimo od Službe za inspekcijske poslove Općine Živinice da poduzme sve radnje i aktivnosti u skladu sa svojim ovlaštenjima da bi se pojačao nadzor i u potpunosti sprovela Odluka o komunalnom redu na području Općine Živinice.

II

Zaključak stupa na snagu danom donošenja i objavit će se u Službenom glasniku Općine Živinice.

PREDSJEDAVAJUĆI
OPĆINSKOG VIJEĆA

Nail Jusić

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
Broj : 06-05- 311-28/2019
Dana :24.01.2019.godine

Na osnovu člana 24.Statuta Općine Živinice-prečišćeni tekst("Službeni glasnik Općine Živinice" broj 4/18),člana 103.Poslovnika o radu Općinskog vijeća Živinice("Službeni glasnik Općine Živinice",broj 3/17),Općinsko vijeće Živinice na sjednici održanoj dana 24.01.2019.godine,razmatrajući tačku Dnevnog reda – Tekuća pitanja , donosi sljedeći

Z A K L J U Č A K

I

Općinsko vijeće Živinice daje saglasnost na odluku Nadzornog odbora na zaključivanje Ugovora za isporuku pitke vode sa JKP "Vodovod i kanalizacija" d.o.o.Tuzla po cijeni od 0,26 KM /m³ bez PDV-a za period od 10.07.2018.godine.

II

Zaključak stupa na snagu danom donošenja i objavit će se u Službenom glasniku Općine Živinice.

**PREDSJEDAVAJUĆI
OPĆINSKOG VIJEĆA**

Nail Jusić

Bosna i Hercegovina
Federacija Bosne i Hercegovine
Tuzlanski kanton
Općina Živinice
Općinsko vijeće Živinice
Broj : 06-05- 311-28/2019
Dana :24.01.2019.godine

Na osnovu člana 24.Statuta Općine Živinice-prečišćeni tekst("Službeni glasnik Općine Živinice" broj 4/18),člana 103.Poslovnika o radu Općinskog vijeća Živinice("Službeni glasnik Općine Živinice",broj 3/17),Općinsko vijeće Živinice na sjednici održanoj dana 24.01.2019.godine,razmatrajući tačku Dnevnog reda – Tekuća pitanja , donosi sljedeći

Z A K L J U Č A K

I

Zadužuje se Općinski načelnik i Predsjedavajući Općinskog vijeća Živinice da sa Upravom društva u roku od 15 dana uđu u pregovore sa preduzećem "Vodovod i kanalizacija"Tuzla radi formiranja cijena za naredni period.

II

Zaključak stupa na snagu danom donošenja i objaviti će se u Službenom glasniku Općine Živinice.

**PREDSJEDAVAJUĆI
OPĆINSKOG VIJEĆA**

Nail Jusić

Bosna i hercegovina
Federacija Bosne i Hercegovine
Tuzlanski kanton
Općina Živinice
Općinski načelnik
Broj: 01/2-05-89-1/19
Živinice, 03.01.2019. godine

Na osnovu člana 38. Statuta općine Živinice – prečišćen tekst („Službeni glasnik općine Živinice“ broj: 4/18), tačke 24. Uputstva o načinu vođenja kancelarijskog poslovanja u organima uprave i službama za upravu u FBiH („Službene novine FBiH“ broj: 30/98), člana 11. Pravilnika o kancelarijskom poslovanju u organu uprave Općine Živinice br. 01/2-05-89-1583/10 od 26.11.2010. godine i Pravilnika o unutrašnjoj organizaciji i sistematizaciji radnih mjesta u organu uprave općine Živinice („Službeni glasnik općine Živinice“ broj: 7/18), Općinski načelnik donosi

Rješenje o određivanju organizacijskih jedinica

Član 1.

Ovim rješenjem određuju se organizacione jedinice za dostavljanje predmeta i signiranje pošte u rad Općinskom načelniku, općinskim službama za upravu i drugim tijelima organizacije, kako slijedi:

I- Općinski načelnik

I-1 - Sektor za Stručne poslove Općinskog načelnika i odnose sa javnošću općine, -Kontrolu kvaliteta, -Interne revizije – Inspeksijske poslove i Javne nabavke

- 01 - Općinski načelnik,
- 01/1- Sekretar organa uprave,
- 01/2- Viši stručni saradnik za upravno rješavanje,
- 01/3- Sanitarni inspektor,
- 01/4- Urbanističko-građevinski inspektor,
- 01/5- Stručni savjetnik za poslove planiranja, organizovanja i sprovođenja javnih nabavki,
- 01/6- Stručni savjetnik za upravljanje sistemom kvaliteta,
- 01/7- Interni revizor,
- 01/8- Šef Odsjeka-Glavni inspektor,
- 01/9- Komunalni inspektor
- 01/10- Komunalni inspektor,

II- Služba za opću upravu, društvene djelatnosti, boračko-invalidsku zaštitu i raseljene osobe

- 02 - Pomoćnik načelnika,
- 02/1- Stručni savjetnik za informatiku,
- 02/2- Stručni savjetnik u Centru za pružanje usluga građanima,

- 02/3 - Viši Stručni saradnik za upravno rješavanje u oblasti matičnih evidencija,
 02/4 - Stručni saradnik za pravne poslove,
 02/5- Stručni saradnik za pitanje nacionalnih manjina i dijasporu,
 02/6- Viši samostalni referent za personalno-kadrovske poslove,
 02/7- Viši samostalni referent za obrazovanje, zdravstvo, kulturu i odnose sa vjerskim zajednicama,
 02/-8 - Viši referent-arhivar,
 02/9-1- Viši referent-matičar,
 02/9-2- Viši referent-matičar,
 02/9-3- Viši referent-matičar,
 02/9-4- Viši referent-matičar,
 02/9-5- Viši referent-matičar,
 02/9-6- Viši referent-matiča,
 02/9-7- Viši referent-matiča,
 02/9-8- Ovlašteno službeno lice za sklapanje braka-matičar,
 02/10- Šef Odsjeka za boračko- invalidsku zaštitu i raseljene osobe,
 02/11- Viši stručni saradnik za upravno rješavanje,
 02/12- Viši referent-upravnik naselja i objekata za kolektivni smještaj ,
 02/13- Viši referent za postupak utvrđivanja osnovnih prava PŠ/PB, RVI i prava iz stambene, i zdravstvene i oblasti socijalne zaštite,
 02/14- Viši referent za obračun i trebovanje novčanih sredstava,
 02/15- Viši referent za postupak utvrđivanja statusnih prava raseljenih lica,
 02/16- Viši referent za opće poslove i analitiku,
 02/17- Viši referent za mjesnu samoupravu,
 02/18- Viši referent Centra za birački spisak

III-SLUŽBA ZA LOKALNI EKONOMSKI RAZVOJ, FINANSIJE I TREZOR

- 03- Pomoćnik Općinskog načelnika,
 03/1- Šef Odsjek za lokalni ekonomski razvoj,
 03/2- Stručni savjetnik za poljoprivredu-voćarstvo,
 03/3- Stručni savjetnik za poljoprivredu-stočarstvo i organizovanu proizvodnju i ruralni razvoj,
 03/4- Viši stručni saradnik za strateško planiranje, eksterno finansiranje i saradnju sa investitorima,
 03/5- Stručni saradnik za upravno rješavanje u oblasti privrede i poduzetništva,
 03/6- Stručni saradnik za upravno rješavanje u oblasti poljoprivrede,
 03/7- Viši samostalni referent za mala i srednja preduzeća,
 03/8- Viši referent za opće poslove i vođenje registra poljoprivrednih gazdinstava,
 03/9- Šef Odsjeka za finansije i trezor,
 03/10-Stručni saradnik za budžet, finansije i trezor,
 03/11-Viši samostalni referent - glavni knjigovođa.

IV- SLUŽBA ZA URBANISTIČKO PLANIRANJE, KOMUNALNE, GEODETSKE I IMOVINSKO –PRAVNE POSLOVE

- 04 - Pomoćnik Općinskog načelnika,
 04/1- Šef odsjeka za urbanističko planiranje i komunalne poslove,

- 04/2- Stručni savjetnik za zaštitu okoliša, vode i šume,
- 04/3- Viši stručni saradnik za upravno rješavanje u oblasti građenja,
- 04/4- Viši stručni saradnik za upravno rješavanje
- 04/5- Viši stručni saradnik za zaštitu okoliša i naplatu komunalnih naknada,
- 04/6- Stručni saradnik za poslove saobraćaja, javni prevoz i puteve,
- 04/7- Viši samostalni referent za programe i projekte planiranja i razvoj infrastrukture i opće poslove
- 04/8- Viši samostalni referent za stambene i stambeno poslovne poslove,
- 04/9- Viši samostalni referent za komunalnu naknadu i kontrolu naplate naknada za priv. zauzimanje jav. površina
- 04/10- Viši referent za geodetsko-urbanističke poslove,
- 04/11- Viši referent za urbanističko-tehničku dokumentaciju,
- 04/12- Šef Odsjek za geodetske i imovinsko pravne poslove.

V SLUŽBA CIVILNE ZAŠTITE

- 05- Pomoćnik Općinskog načelnika,
- 05/1- Stručni savjetnik za zaštitu i spašavanje,
- 05/2- Viši stručni saradnik za zaštitu od požara i vatrogastvo,
- 05/3- Viši referent za mjere zaštite i spašavanja,
- 05/4- Viši referent za prikupljanje i analizu podataka-informacija.

VI STRUČNA SLUŽBA OPĆINSKOG VIJEĆA

- 06- Općinsko Vijeće,
- 06/1- Predsjedavajući, Općinskog Vijeća,
- 06/2- Sekretar Općinskog vijeća

Član 2.

Raspoređivanje, odnosno signiranje pošte vršit će ovlaštene službene osobe imenovane Rješenjem o imenovanju zaposlenika za signiranje, razvrstavanje pošte po organizacionim jedinicama odnosno radnim mjestima navedenim u članu 1. ovog rješenja.

Član 3.

Ovo rješenje stupa na snagu danom donošenja, a objavit će se u „Službenom glasniku općine Živinice“.

Dostavljeno:

- Sekretar organa uprave,
- Sektor za stručne poslove Općinskog načelnika i odnose sa javnošću općine, Stručne poslove općinskog vijeća, Kontrolu kvaliteta, Interne revizije, Inspeksijske poslove i Javne nabavke,
- Službe za upravu,
- a/a.

OPĆINSKI NAČELNIK

dr.sc. Samir Kamenjaković

**„Službeni glasnik Općine Živinice“
broj: 4/2019**

SADRŽAJ

I - AKTI OPĆINSKOG VIJEĆA

1. Odluka o davanju saglasnosti Općinskom načelniku u vezi konačne realizacije projekata sufinansiranja ("građani-općina") po principu M:M iz 2018. godine.....	2
2. Odluka o plaćama i naknadama uposlenika i izabranih dužnosnika u organima Općine Živinice.....	4
3. Rješenje o utvrđivanju prava vlasništva na gradskom građevinskom zemljištu Ahmetović Avdo sin Mehe iz Živinica.....	13
4. Zaključak sa Vanredne sjednice Općinskog vijeća Živinice održane dana 24.01.2019. godine- Razmatranje zahtjeva MZ Priluk, Šerići i Suha radi zaustavljanja sječe šume na području šumskog kompleksa "Dubrava".....	16
5. Zaključci sa 21. redovne sjednice Općinskog vijeća Živinice - Informacija o problemu korištenja javnih površina na području općine Živinice.....	17
6. Zaključak sa 21. redovne sjednice Općinskog vijeća Živinice - Informacija o radu Službe za inspeksijske poslove sa akcentom na provođenje Odluke o komunalnom redu.....	18
7. Zaključak sa 21. redovne sjednice Općinskog vijeća Živinice održane dana 24.01.2019. godine.....	19
8. Zaključak sa 21. redovne sjednice Općinskog vijeća Živinice održane dana 24.01.2019. godine.....	20

II - AKTI OPĆINSKOG NAČELNIKA

9. Rješenje o određivanju organizacionih jedinica.....	21
--	----

**„Službeni glasnik općine Živinice“ uređuje: Stručna služba općinskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-392, ovijece@opcinaivinice.ba**